

იუმორის გ. ჟურნალი



აშუაპაპის აძაღორაძი



№ 31



ტიმოშკინის სუფლიორი.

ტრიბუნაზე რო ავიდა თფლისელი შუშის მკრელი, „დებუტატი“ ტიმოშკინი და „მსჯელობას“ მიჰყო ხელი,

დაიწაბა: რომ მსმენელებს სახე უღიმთ და უცინისთ... (რა თქმა უნდა, სასაცილო იყო „რეჩი“ ტიმოშკინის)

ის განრისხდა: „ბატონებო! მიკვირს რით ვარ დასაწუნი! იქნებ ის არ გეჭკაზნიკათ რომ არაყის მიდის სუნი?

ტრიბუნაზე რო გამოვალ და ასტეხავთ სიცილ-ხარხარს ჩემზე უფრო სასაცილო ნუ თუ არვინ დაგინახავთ?!

კავკასიის საქმეები მესმის, როგორც „ორჯერ-ორი“ და სტყუიან თუ ამბობენ თითქოს მყავდეს სუფლიორი.

— კი.

„ტრიბუნი“ და სუფლიორი.

ნაკადული.

ჩუხჩუხით მოქუხს ნაკადი
მალლიდან დაბლა ბარათა,
თან მოიმღერის ხმატკბილათ
უცხო რამ ჰანგზე წყნარათა:

„სალი კლდის შავ-ბნელ წიაღში
ვიყავი მომწყვედულო,
გულს კაეშანი მიღრღნიდა,
მწარეთ მიკვნესდა გულიო.“

მაგრამ გავაპე სალი კლდე,
გამოვჩქრიალდი გარეთო,
ვიხილე ტურფა ბუნება
აყვავებული მწვანეთო.

ფართოთ გაშლილი მთა-ბარი,
ლაყვარდისფერი ზეცაო.
და მასთან ქვეყნის მნათობი—
სხივებ გაშლილი მზეცაო,
ვარსკვლავნი მოციმციმენი,
შუქ მფენი ბადრი მთვარეო
და განთიადი კაშკაშა,
ცისკარი მოელვარეო.

სალაში ვუძღვენ მეგობრებს,
გადავუშალე გულიო,
შიგ ჩავიხატე იმათი
სურათი დიდებულიო.

და მოვჩქრიალე, სიხარულს
ვეძლევი სანეტაროსო,
ვადიდებ თავისუფლებას—
ბედნიერების წყაროსო!“

და მოჩანჩქარებს მოხტუნავს,
გველივით მოიკლაკნება,
ხანდახან აჩუჩჩუხდება
და ხან კი გაინაბება.

თან შხეფებით რწყავს მიდამოს,
პირსა ბანს ბალახ-ყვავილებს
მის ნაპირებზე ლამაზათ
სამოთ გადაფურჩქენილებს.

მას თავს ადგია მგოსანი,
შეყურებს ატაკებული
და აწკრიალებს სიმებსა
ძალზე გულ ატაკებული.

მღერის: „ნაკადო! ჩვენც შენებრ
გარს გვაკრავს შავი ზღუდუო,
ტანჯვა-წამების სამეფო,
უსამართლობის ბუდეო.“

ვებრძვით და ვებრძვით, მაგრამ ჯერ
ვერ გავარღვიეთ იგიო
და ვერ დავამხვეთ სამუდმოთ
მისი წესი და რიგიო.

მაგრამ მწამს, როცა იქნება,
გავაცამტვერებთ სრულადო...
თავისუფლების სიმღერას
დავაგუგუნებთ ტკბილადო.“

და შორს გაისმის უცხო ხმა
სევდიან-იმედიანი,
მას ბანს აძლევენ მინდვრები,
გაშლილნი, გულ მკერდ-ლიანი,
მთები კი იმეორებენ,
ტყე-ველნი სმენათ ქცეულნი
ყურსა უგდებენ შორიდან
ზურმუხტათ ამწვანებულნი.

ვ. ჩახრუხაძე.

გაზაფხული.

მახსოვს... იყო გაზაფხულის
მთვარიანი წყნარი ღამე,
ბუნება ძილს თავს ახწევდა,
ემლებოდა გულს სიამე.

გამუდმებით შრომა იყო
და ხან მოკლე, ღამე ძილი,
კარზე იდგა მახარობლათ
განთიადი ფრთებ გაშლილი!

ყოველის მხრით მოისმოდა
გმირთ საგმირო ჰანგზე მღერა
და მოეცვა სასიცოცხლო
ენტუზიაზმს გულის ძგერა!

შორს არ იყო დიადი დღეც,
მრუდს და მართალს ასე სწამდა,
ტანჯულსაც კი ამავე ფიქრში
გულის წყლული დაუამდა...

ბულბულს გძნობათ შესადარათ
მოემართა თვისი ქნარი,
და მის ღებნას ხმა შეწყობით
ბანს აძლედა მთა და ბარი...

სოფლის შუა, ცაცხვის ძირათ,
მახსოვს, თავი მოგვეყარა:
ერთის აზრით განსქვალული
სულ აქ იყო დიდ პატარა.

თავს დაგვექერდა ძმობის დროშა,
ტანჯულთ სისხლით გაქარგული
და იმის ქვეშ ერთი იყო
ჩვენი რწმენა, ჩვენი გული!

მოძმის ბაგე ხმა მქეპარე
მტრებზე რისხვის ცეცხლს აფრქვევდა
და ცხოვრების მწვავე კითხვებს
სმენად ქცეულ ხალხს ურკვევდა...

მახსოვს: მაშინ ბევრთ გულთაგან
აღმომხდარა ოხვრა-მწველი,
აქეთ წყველა მოისმოდა,
იქით რისხვა საშინელი!..

აღარ ჰქონდა დასასრული
 ხალხის წყრომას და მუქარას
 და არ სწამდა ძველი წესი
 აღარც ყმაწვილს, არც ქალარას!..

ვხედავ, დადგა გაზაფხული
 და ბუნება ქორწილს მართავს,
 მაგრამ მე რა, როცა გული
 გლოვის სევდას გაუფათრავს!
 აღარ ესმის ყურს ყოყინა
 ჩვეულებრივ-აღრინდელი,
 დაღვრემილა გამირთა გვირი,
 დაუშვია დაბლა ხელი!...

დაუშვია ვით უღონოს,
 ბორკილ-ხუნდი მას უძიმებს
 და ხმა ტკბარი ჩვენი ჩანგი
 არ აქლერებს თავის სიმებს.
 არც ბულბული მღერის ნანას
 ჩვეულებრივ ბუჩქის პირათ
 და გვაგონებს თავის სტვენას
 რაღაც მძიმე ძილის პირათ!

გაზაფხულდა ბუნებაში,
 ჩვენ კი შორს გვაქვს გაზაფხული!
 მიტომ არ სტვენს საჩვენო ხმით
 განთიადის მოციქული.
 მოვა დრო და ისიც ჩვენთვის
 შემოსძახებს ხმა-ტკბილ ნანას!
 მაშ, განთიადს გაუმარჯოს!
 და გაზაფხულს იმისთანას!..

ნ. ზომლეთელი.

სცენა სოფელში.

ზეტრია. კაი გამარჯობა შენი!
 ლაზარია. ზეტრეს ღმერთმა გაგიმარჯოს.
 ზეტრია. რას გელაპარაკებდა თუ ღმერთი გწამს
 წელან იგი მამასხდისი?..
 ლაზარია. ნუღარ შეითხვ თუ კაცი ხარ, ჩემ
 ჭკუაზე აღარ ვარ სწორეთ.
 ზეტრია. იმისთანა რა ვითხრა კაცო?
 ლაზარია. რა ვითხრა და მათი დაფსება! იმ და-
 დუხულ მიქიაშიღის ამოფუგდივართ მთელი ქვეყანა, სხვას
 რას შეტყუდა!!
 ზეტრია. რაფა წავხთი, იქიდანაც გვასტვიან სე-
 ლი თუ?
 ლაზარია. იქიდან კი არა კაცო, შარშან რომ ფა-
 რა მოხიკა, ერთი კვალი არ შუუტანია თურმე ხაზინაში.
 ზეტრია. აწი რაფა, მან იცის და ხაზინამ.
 ლაზარია. მაგი კი არა ზრისთავს უთქვამს ფარა
 თქვენ უნდა გადიხადოთ და იმას საცხა გინდათ იქინა
 უჩივლეთო. ვაი წავხთი ახლავე დაგიძამავენ მეთქი

გეთხარი. ვერ ხედავ სოფელში ძაღლები წაწოლილი რომ
 ეფევენ მეთქი?!

ზეტრია. ჩვენც, მარა ალბადე იმ ზოგიერთ თხ-
 ნაურშივლებს, რომ უტლაკეს ფეხი და ურიკეს ქალები
 და ქალიშვილები!

ლაზარია. ახა რას ვჩივი კაცო! იგი თურმე იქი-
 დან უბას გვიქცევს კიდე. აი რა მოუწერია ერთი მისი
 დამქაშიზა:

„წარვიდენ დღენი ნეტარებისა
 მხოლოდ სიზმარებრ მაგონდებიან,
 ჩემო ძვირფასო სულიკანებო
 არ მოგვეწრობა, რაც მოგვეწრებიან.
 ვაი სამოთხევე! ვაი ქალებო,
 ვაი თუ კიდეუ გადამჩნა ფული,
 ცოტა კი მრცხენის გავაიმასვექენ
 ახნაურები ჩემი ერთგული“.

ლაზარია. ვაი ბებია მისს და რაღაი.
 შხანკოლა.

მეზიაკის

(გუძღენი ლ-ს)

მეც თან დამდევს სიღარიბე
 თავს დამატყდა გასაკირი,
 მაგრამ რწმენით გამსქვალული
 მაინც ვიმღერ და არ ვსტირი.
 ან რას მარგებს ტყვილ უბრალოდ
 ქვითინი და ცრემლთა დენა?
 როცა ირგვლივ წყვდიადია
 და თარეშობს ბილწი ენა!

ვხედავ ტანჯვას ჩაგრულთ შორის
 ოფლში სცურავს თითქმის ყველა,
 და ცხოვრების მძიმე უღელს
 მეც მათთან ვწევ ნელა ნელა.

თანაცა ვგრძნობ, რომ ამ ტანჯვას
 უნდა ექნას დასასრული,
 და მომავალ ცხოვრებაზე
 ოცნებობით სტკებება სული.

წინასწარ ვგრძნობ, ეს ოცნება
 სინამდვილედ გადაიქცევა,
 და ცხოვრების „მრუდე კოშკი“
 სამუდამოდ დაიქცევა.

მაშ ასე ძმავ! არ დაეცე!
 გაიმსქვალე რწმენით გული
 და გახსოვდეს: ჩაგრულთ დევნას
 უნდა ექნას დასასრული.

ლ. მოხევე.

გამოცანები.

(ხაშმისათვის)

ესფერია ქეშმარიტი,
 და იმათი ცოდნის შვილი,
 „მადამების“ მოტრფიალე,
 აზრი კოკლი, ტვინ მოშლილი,
 მღვდელს ვეჭილათ დასდგომია
 ხელთ უპყრია რამ დავთარი,
 (ასე იცის „სოციალისტს“
 თუ აუდგა თავში ქარი!)
 ეხვეწება ხაშმელ გლეხებს
 შეადგინონ „პრიგოვორი“
 რომ „ხუცესზე დანაწერი
 ხელეპირათ იყო ქორი.“
 გლეხებმა ამ ქვეწარმავალს
 არც კი მიაქციეს ყური...
 აბა ვინძლო გამოიცნოთ
 ეს ხაშმელი აზნაური.

იადონი.

2

(სუფსელებისათვის)

სადგურის წინ დასერირობს
 დარია თუ ავდარია,
 მებუფეტეს ნისიებით
 აუზნია დავთარია.
 ყველას ერთნაირად ლანძღავს
 ბრუნდია თუ მართალია,
 ცრუობაში სწორე ვითხრა
 არავინ ყავს ბედალია.
 ღმერთათ აკობია მოსწონს
 ანგელოზათ ხეობელი
 ესდევების სალანძღავათ
 აშლილი აქვს საღერღელი
 გინებით რომ ვერას გახდა
 მუშტ კრივობას მიყო ხელი.

კასიო.

გლეხის ღიღინი.

(ურმული)

1.

ჭარალე ბიჭო ჭარალე, ვარალე ჭოროველათ,
 შენი ჭირიმე ნუგეშო მკვებათ ხარო ჭრელათ,
 კვლავ მონები ვართ, გაუქრათ ჩვენ მტრებს შიშისა ხველათ,
 კვჩაგრავენ, უღვთოთ გვტანჯავენ ჩვენზე ბრძანებლათ
 ვეკლათ...

ჩვენის ნაშრომით ბატონმა კვლავ ჯიბე განსქელათ
 ჯაფისგან ვწულებით წელშია ჯერ არსითა სჩანს შეკლათ
 ცოდ-შვილას ჭვითინ-ტირილმა ძირს მიწა დასველათ...
 თფლსა ვღვრით, შითი გაყაძლათ მუქთ-მეღაზაგ-დარ-
 მუნქლათ

ვერ ძლება, მაინც ვერ ძლება, ნეტავ რამ გამგელათ
 წარსულმა მოძრაობამა გააკვი-გაახელათ,
 და რის დავმარცხდით დაგვიწვეს სახრით გვერდების სე-
 ლათ...

2.

ჭარალე ჭარი ვარალე დალალე ჭოროველათ
 არ გვიგეშია გლეხ-გაცებს სიამე არც ერთხელათ,
 ვერ იქნა ვერ მოვიშორეთ ფარაჯა კონკის სიამე
 რას ხენეში შენი ჭირიმე ხარო რას იწვე ცრემლათ,
 მუხთაღმა ბედმა უღელი ორივეს გაგვიძნელათ.
 ვარალე ბიჭო ვარალე, ვარალე ჭოროველათ
 ათასმა გადასხაღმა ჯერ ჯიბე შეგვათხელათ,
 ესეც არ ეკოთ, სახლ-გარის მთლად გაგვიეიდეს ეველათ,
 მამასახლისი მობრძანებს გამომიგზავნე წველათ...
 ჩარჩმაც იხელათ დროება სიამით ჩახხველათ,
 და „სუღში“ სჩაიფლეთა არცა კვლავ ააქრელათ.
 ჩვენმა მოძღვარმა იდროვა ხურჯინი დაგვტყდათ
 ზირზე უმანკო დიმილით მოგვადგა ცამეტ-წველათ
 ვაი მას სოფელის „ტარმინა“ თუ ვინმემ გადამტყარათ
 „დანოს“ წაიღებს „ზრისთავთან“ ზრისთავს-გი მისი
 სჯერათ.

რას იზამ ქვენა ნიამა სასტიკათ დაგვიბერათ.


ქუჩის შვილი.

(შემღვი იქნება)

შანთაშისტი ილია.

გვარი ვის ან რათ უნდა,
 სახელათ გი—ილია,
 მართალი მოგახსენათ
 დიდი ოხრის წილია,
 გალანძღავ, არ წითლდებს
 თითქო ბავში ჩვილია,
 გინდა სტეშო, აიტანს,
 ამ მხრივაც გულ-გრილია!
 რასაც ვამბობ—ილოზე,
 არ გეგონოთ ცილია,
 ეველა ნათესავებთან
 შერცხენილია, წბილია.
 როცა ხალხს ატეუილებს,
 ლმობიერი, რბალია,
 სერიოზათ იქტევა,
 მუდამ მოწუნილია,
 რაც გინდათ დაარიგეთ,
 იმის თავეში ცხრილია,
 იმასთან ღაზარაკი
 გარწმუნებთ სირცხვილია!
 ორსულთ კასას განაგებს
 ხომ სედავთ, რაც შვილია!..

შმაგა.



არჩი ეშმაკი.

ლექცია.

(მიბაძეა).

ზიზგ. ეშმაკ! სად იყავ??

მეორე. ლექციაზედა

სახალხო სახლში აქ, ვერაზედა...

ზიზგ. ვინ კითხულობდა და ან რაზედა მეცნიერების რომელ დარგზედა?

მეორე. ვინ კითხულობდა?

ჩვენი ილიკო,

აკი გაზეთში ნათქვამი იყო?!!

ენა ვერ იტყვის რა არ გვასწავლა, რაები მან არ ჩამოგვიტვალა!!

რა და რა დარგის

მეცნიერება,

რა და რა გვარი მშვენიერება!!!

რა გინდა გულო,

რა გინდა სულო,

სახარება თუ სამოციქულო!!

ზიზგ. ალბათ საუბრობს მარილიანათ,

ნასწავლი არის

საფუძვლიანათ...

მთელი ინგლისი

და იტალია

ხუთი თითივით შეუსწავლია.

მეორე. საუბრობს ისე ლაზაროიანათ,

ისე მკაფიოთ

და რიხიანათ

რომ დავგაძინა სულ ერთიანათ.

ზიზგ. ენა უვარგა ნაკაშიძესა,

რომ ლაპარაკობს

ამის სიგრძესა?

მე მესმა მისი რუსული რეჩი,

მოქნილი, ტურფა

როგორც კამეჩი.

მეორე. ენას ნუ მკითხავ შენ გენაცვალე;

მარტო „მკვეთრები“

ველარ დავეთვალე!!

რამდენიც სიტყვა მოატრიალა

იმდენი „მკვეთრი“ გაახრიალა.

„მკვეთრი“ ღონეო,

„მკვეთრი“ ძაღოო,

„მკვეთრი“ ჯახრიკა, მაჩანჩალოო;

„მკვეთრი“ ლობიო

და ტყემალიო

„მკვეთრი“ სატირის

„მკვეთრი“ კვალიო...

ზიზგ. რა ამბავია ამდენი „მკვეთრი“?..

მეორე. ნუ მაწყვეტინებ

დამაცა ერაი!..

გაგვაცნო ყველა

უფროს-უფროსი

ვინც კი ყოფილა სატირიკოსი.

ეს გეინეო,

ეს ვოლტერიო,

ეს კლდიაშვილი მათი სწორიო;

ეს გოგოლიო,

ეს დიკენსიო,

ქრისტე ხომ ყველას უკეთესიო.

ზიზგ. დიდი სერვანტეს

ისპანიელი

და „ჰიუმორი“ მისი ძლიერი

ალბათ ყველაზე წინ დააყენა!!.

მეორე. რა? ვინ სერვანტეს?

რას ამბობ შენა?!!

ალბათ ამ დარგში

არ უძევს წილი ..

(ან სად სერვანტეს,

სად კლდიაშვილი!!)

სჩანს ქვეყნად კვალი არ დარჩენია

და მისთვის აღარ მოიხსენია!

მ რ ხ ს ე ნ ე ბ ა.

ქუთაისის რევიზიისა.

(გაგრძელება)

კაი ხანია „ეშმაკის მატრახში“ ჩემი რევიზიის გაგრძელება არ მიმიწოდებია მკითხველთათვის მიზნები ბევრია. უმთავრესათ, ჩემი სხვადასხვა საქმეებში ჩახლართვა და დროს უქონლობა. ჩემ ამხანაგ

ეშმაკებს ბევრი მასალები დაუმზადებიათ, მაგრამ უჩემოთ გაგზავნას ვერ ახერხებდნენ. ამ კვირიდან შეუღლები მათი მოხსენებების მოწოდებას.

დაიკარგა სახალხო თეატრის ამშენებელი კომისია. ჯანაბა მათ და მათ დაკარგვასაც, მარა სავალალო ისაა, რომ მათთან ერთათ გვარიანი სუმმა მიიმასქნა. როგორც ქუთაისის „სტარო-ქილები“ მოგვითხრობენ იმ ფულებიდან ქუთაისის წიგნების გამომცემელ საზოგადოებას რამოდენიმე ასი ქანქარი უსესხებია ვექსილით. ან ვექსილი სალაა, ან ფული ვისა აქვს, ან თვით წვევები სად მიიმაღენ, ალაპაპა უწყის. თუ კი ვინმეს ამით შესახებ რამე სმენია, ქენით სიკეთე და შეატყობინეთ ქუთაისის საზოგადოებას.

საძებნელია გაბრიელის ბიბლიოთეკაც. არც მისი ავან-ჩავანი არავინ იცის. ბევრს აქაურს ფონა, რაკი ეშმაკები შეუღდენ მის ძებნას, აუცილებლათ სადმე ამოძებნანო, მაგრამ საუბედუროთ მოსტყუვდენ. ეშმაკებიც ვერას გახდენ.

ქალაქის ბიბლიოთეკა ჯერ არ დაკარგულა — მაგრამ ვაი იმისთანა არსებობას. ორას ფურცლიდან წიგნში ასი საუკეთესო ამოგლეჯილია. ამ სასიქადულო მოღვაწეობას ყველაზე მეტად მოსწავლე ახალგაზრდობა ეწევა.

მოწაფეების საყურადღებოთ. ახალგაზდობის ერთ ჯგუფს (სტუდენტებიც ურევია) გადაუწყვეტია ყოველ წლივ აპრილის 15-დან მაისის 15-მდე ბულვარის მიდამოში გახსნას „ტემების საწერი ბიურო“. ტემას წერენ ნახევარ საათში. ტემის ფასი დროზეა დამოკიდებული. ეგზამენების დღეს 50 მანეთამდე აღის.

ახალი ლექტორი. როგორც გადმოგვცემენ ლანჩხუთელებს აპრილის ბოლო რიცხვებში ლექციის წასაკითხავათ დაუბარებიათ „გამოჩენილი“ ლექტორი სერგო ჟორჯოლიანი. ლექციის თემა შემდეგია: „ლაქიობის წარმოშობა და მისი თანდათან განვითარება ქუთაისის სითაკად-აზნაურო გიმნაზიაში“. თემა რთული და ძნელია, მაგრამ ლექტორიც ღვთის წინაშე, ამ საქმეში გვარიანათ დახელოვნებულია.

ნუ გაივლით. ვორონცოვის ქუჩა ეშმაკებისაგან შეჩვენებული უნდა იქნას. ეშმაკებს კი არა სხვა ბევრსაც არ ვურჩევ ამ რიადზე გავლას. ბ. კიკაბიძე და ზვიადაძე (ვაქრებია) ამ ქუჩის „არხანგელებათ არიან მოვლინებულნი. ერთი რჩევა და მითქმა-მოთქმა აქვთ, როდესაც ვინმე „იმისთხნას“ დაინახავენ გავლილს.

ნოქრების პროფესიონალური კავშირის წევრმა წინადადება მომცა გამოვაცხადო, რომ თუ ზოგიერთ ნოქრებს არ დაუნებებიათ თავი დამდამობით ბანქოზე და შულერობაზე ლექციების კითხვისათვის მათ სახელ და გვარს გაზეთში გამოაცხადებენ.

დასრულდა კენჭობია ქუთაისის ბანკში. ვაი იმისთანა მდგომარეობას, რა მდგომარეობაშიდაც ის არის. მე და ჩემა ღმერთმა, რომ გაბრიელის ბიბლიოთეკასავით გამგეობასთან ერთათ რა-

მენიართ ისიც დაიკარგებოდეს, საზოგადოება თუ მოიგებს, თორემ წაგები არასფელს წააგებს. ნამდვილი ნიმუშია ჩვენებური საქმიანობის. თქვენ თვითონ გასინჯეთ.

ა) ასა ათასობით ასალები ფული აუღებელი რჩება.

ბ) ზარალის პროცენტებს ზოგს ახთევენებენ და ზოგს არა, შინაურულათ, იმისდა მიხედვით გადამხთელი გამგეობის ყურ მოქრილი მონაა თუ არა.

გ) პირველ წელიწადსვე ქონია ახალ გამგეობას ვალის დაფარვის საშუალება, მაგრამ ეს საშუალება სხვა საქმეებისათვის მოუხმარია და ანგარიშში კი ორასათასამდე მანათი მეტია დაუფარავთ ნაჩვენები.

დ) ბატონი ანდრო — ბანკის თავმჯდომარე უმეტეს ნაწილათ მოგზაურობაში ატარებს.

ე) ამ მოგზაურობისა 1000 ქანქარს განიღებს თავის ნებით ბანკიდან და თავს იმით იმართლებს, რომ სხვებიც ასე შვრებიანო.

ვ) თავის საჭიროებიზა სესხათ გააქვს ბანკიდან ქანქარი და აწერიებს „ВЪ СЧЕТЪ ВОЗВРАТА“.

ზ) გამგეობა წელიწადში ერთხელ ამოიღებს ხმას რწმუნებულების კრებაზე და მაშინაც მხოლოდ ის მესმის ფთხილათ ილიპარაკეთ, ჩვენს მოქმედობაზე კრინტი არ დასძრათ, თორემ ბანკს სახელი დაუვარდებო, თქვენ ფული შემოიტანეთ საქმე შემდეგ კარგათ წავო.

რევიზორი — ეშმაკი.

კონდუქტორების სიმღერა.

(ეუძღვნი სურამ-ბორჯომის ზოგიერთ კონდუქტორებს)

„ბრუციანების*“) კირიჟე იმით კი ვენაცვალები, ვინც მათი გემო არ იცის?! ოი, დაუდგეს თვალები!!

უბილეთოებს რო ეძებ, თანაც ბლომათ გეყავს მგზავრები, კრეფავ და კრეფავ „ქანქარსა“ ობერსაც ეზიარები.

ღმერთმა დასწყველოს „კონტროლი“ შორიდან მოგეპარება, დაგვიქერს „ბრუციანებსა“, არავინ შეებრალება.

მაგრამ ეუჯიბავთ იმისაც „ქანქარსა“ გაუზიარებთ, „პრიდირკას“ აღარ გვიკეთებს ფულით რო დავაზიარებთ,

ფეხზე გვკიდია სიმართლე, ზრდილობიანი მოპყრობა, შორს ჩვენგან ყელა ასეთი შაური თუ კი გვექნება.

რიჟა.

*) უბილეთო მგზავრებს, რომლებსაც კონდუქტორები ახდევინებენ ფულს, „ბრუციანებს“ ეძახიან.



მესტვილნი.

მეზაჰის მართახი.

კიდევ მოვაწყობ გულა-ქამანჩას,
რომ ისევ ისე დავიწყო მღერა,
შიგ ჩავექსოვო სულ, რაც კი მტანჯავს,
მწარე ნალღელი და გულის ძგერა.

ამ წუთი სოფლის მწარე ცხოვრებას
დავუღლინებ, ვეცდები, რომა
ვემსხვერბლო მსმენელთ სიამოვნებას
და არც დამირჩეს უაზრო შრომა.

დიდხან ვეძებე ხსნა იდეალში!..
ქვეყნის მართლად თავი მომქონდა,
თავს ვიმაღლებდი მე ხალხის თვალში!
ეს ჩემი საქმე ბევრსაც მოსწონდა!


სიტყვით მიყვარდა საერთოთ ყველა,
საქმით კი... აბა რა მოგახსენოთ?
ბევრი არ მყავდა გულის პეპელა
და გთხოვთ, ისინიც არ გამახსენოთ.

რადგან ამ ქვეყნად მხოლოდ ქანქარი
ჩემთვის შეადგენს მთავარ საზრუნავს!
სადაც ფულია, იქ სხვაც კი არი!

როცა დიდს ვისმე პირში ვაქებდი
და მის გონებას უხვად ვხიზლავდი,

მით ფულის წყაროს მე ვიხებრებდი,
შემდეგ ბლომათაც ჩავიჯიბავდი.
მახსოვს, მიყვირეს ერთხელ სხდომაზე
რალაცა „მცირე“ გაფუცქენილებისთვის!
მიუთითებდნენ ჩემს შეცდომაზე,
მსჯილდენ ჩემმიერ ქანქართ ხლებისთვის.
მაგრამ არ ვიცი, როგორ, რა გვარად?
ვერ გამოძახეს იქიდგან გარეთ!
ეგ ჩემი ცოდვაც ჩასთვალეს არად
და ამირჩიეს კვლავ თავმჯდომარეთ!
თუმც ბევრს მიშლიდნენ, ვერ მომარჯულებს:
მე ჩემს ტაქტიკას კვლავ განვაგრძობდი
და ასე, სანამ არ მიზურგულეს,
ნოყიერ საღვურს ტყავსა ვაძრობდი.
ერთი „საქმიდან“ გამომიძახეს,
მყის მეორეში ჩავრგვევი თავი
და თუმცა აქაც ბევრი მიბრძანეს,
ასკეცი მაინც ავაძრე ტყავი.
დღესაც ყვირიან ჩემს შესახება
დაე, იყვირონ! ილალონ ყბები,
მათი ყვირილით მე რა მაკლდება?
ვისმენ უტიფრად და ვიყლაპები!..
დიდხანს ვატარე მძიმე უღელი,
სიმშოლ-სიტყვლე გამოვიარე,
ჩავრულე მძურად მივეცი ხელი,
იმათთვის გული დავიარე,
დიდხანს ვაქლერე ერთობის ჩანგი,
ძმობას, სიყვარულს ვუღლინებდი,
მიყვარდა ჩემი მე „ამხანაგი“,
მასთან ვლხინობდი, მუნ ვქვეითებდი.
მაგრამ ამით მე ვერაფერს გავხვდი,
ვერა უშველე მშიერ მუცელსა,
ვაწყტა ილაჯი და კკუსა შთავხდი,
რომ არ მაძლევდა ეგ საქმე ხელსა.
ავდექ და კილო გამოვიცვალე,
მეტ ფასიანი ავიღე ჩანგი,
დავკარ და მწყობრათ ჩავაწყრიალე
ეროვნულ გრძობით აღსავსე ჰანგი!
ვეტრფი მზეს, მთვარეს... დაბლა ამ ქვეყნათ,
ნაციონალურ ოქროს ტომარას
და თავი მომაქვს სამყაროს მგოსნათ,
თუმცა ვერ ვსჯობნი ბევრით ხუმარას!
მიყვარს სამშობლო! ვეტრფი სამყაროს!
რომ აქაც, იქაც გავხდე უკვდავი
და ვინც ქანქარი წამოიმყაროს,
ფეშქეშ სანაცლოდ ეგ ჩემი თავი!...

6. ზომლეთელი.



სამტრედიის მეეტლენი.

მგზავრის თავგადასავალი.

სამტრედიაში ჩაველი
 ხონისკენ მიმეჩქაროდა,
 მზე დასავლისკენ გადაღდა
 სიბნელე მოგვეპაროდა;
 მეეტლე ერთი მომვარდა
 ბარგზედან მომეხმაროდა,
 უცებ გამოჩნდა მეორე
 (თითქო ერთი არ კმაროდა)
 იმან თავისკენ მიმწია
 პირველი გაიჯავროდა,
 შეიქნა მიწვევ-მოწვევა
 სისხლი არ დაიდვაროდა...
 ჩემი საგზაო „გვალრუსი“¹⁾
 უკვალოდ მოიპაროდა,
 „ბაბანაკ“²⁾ შემონაგლეჯსა
 „ქვაქვანაკ“³⁾ დამეხვაროდა...
 შევხედე: ახლა მესამე
 მეეტლე მოეჩქაროდა;
 გამწიეს-გამაწიპაწეს

1) „გვალრუსი“ თელა ს ხოკიას ქართულით „ჩამადანს“ ნიშნავს.

2) „ბაბანაკი“ ამავე იწერლის ენით პალტოა.

3) „ქვაქვანაკი“ ალბათ ფიჯაკი იქნება.

სიცოცხლე გამემწაროდა,
 თურმე ამ დასაქციერში
 ტყუილათ მიმეხაროდა,
 გვერდები ჩაბილილავეს
 ლოყებიც დამეღაროდა,
 არეინ გამოჩნდა მაშველი,
 (ანკი, ვინ დამეხმაროდა)
 ტირილიც დავისირცხვილე
 ცრემლები დამედვაროდა.

მგზავრი.

ჯურჯუვეთელი ლესნიჩის ღიღინი.

„ღმერთო, შენ გამაღობ, რომელმაც
 ტუქს გაუჩინე ღაჯო,
 და მოგვივლინე „ჩაჩუტათ“
 „დურმიშხან“ აფხაზავა.

ზატიოსნება რომელსაც
 გამოაცადე ეგრეთ,
 რომ მტყუან-მართალს ვერ ამჩნევს
 ეს უნამუსო ხეპრეთ.

სუღში პირის-პირ უდგება
 ორჯერ ტყავ-გამძვრალ გლეხებსო
 ხაზინის ქომაცობას

ურცხვათ რომ დაიკვებებსო.

გამოსარჩენი მოელის
 მას, ხაზინას და შეტაო,
 რიგია ასეთ „დურმიშხანს“
 ღმერთო სწუჯაღობდე შენცაო“

უხანკლა.



ოზურგეთის წიგნის მაღაზია.

ს ი მ ღ ე რ ა

წიგნებით მოვაჯარისა.

რა კობტა და ლამაზია
ჩემი წიგნის მაღაზია!!
თუ კი რამე გამოსულა,
ან რუსულათ, ან ქართულათ,
ერთი წიგნის დაუკლებათ
აქ მიწყვიტა ყველა სრულათ.
რა კობტა და ლამაზია
ჩემი წიგნის მაღაზია!!
სამშობლოს რო ყავდეს წყვილი
აკობისათანა შვილი,
ევროპიელ ხალხთა თვალში
ასცდებოდა მას სირცხვილი.
რა კობტა და ლამაზია
ჩემი წიგნის მაღაზია!!
დიდი არის კაცის ქუთა
ვინც დასწერა „მოატყუა“
თაროს ისე მოეფინა,
თითქო ციდან ჩამოსთუა.
რა კობტა და ლამაზია
ჩემი წიგნის მაღაზია!!
წავიკითხე „ვინ ხარ შენა?“
და დავიტკბე ყურთა სმენა,—
ვგ „სიცრუე“ და „სიყალბეც“
ხომ იმ პავლემ მოგვახსენა.
რა კობტა და ლამაზია
ჩემი წიგნის მაღაზია!!!

*

**

გავიცანი ერთხელ ქალი,
ვღოცულობდი იმას ღმერთად,—
სიცოცხლეს და სსსკებას
მას ვწირავდი ვეკლას ერთად
წრფელის გულით დავისახე
სულის სწორად და იმედა;დ
ვპოვე ესე რა ტაძარი
შევედექი იმას მეტად.
შევეცი თურმე და მოვსტევედი
ვერ ვივარგე მე შორ მჭვრეტად
გველი იყო, თურმე, იგი
კესლიანი სახედ—მტრედად
იცინოდა, თურმე, მხოლოდ
თეთრი კბილის დასაკრეჭად
და უცქერდა ამ ცხოვრებას
ვით მწეემსი ცხვარს კასაკრეჭად.
თვალთ-მსქცობით—შეოჯახე
და ვარგისი, თითქოს, დედად—
ქმარს გაუიდა, როცა სურდა
თურმე ის ერთ კვესაბედად.
დავიწევედი ჩემი თავი,
ვთქვი, რომ დავად თურმე რეტად.
და ფუ იმას, ვინც მიენდოს
ამგვარ დაიცხ ამის მეტად.

ბლიკვაძე.

მასალები ქართული ისტორიისათვის.

წინასიტყვაობა.

ყველამ ვიცოთ, რომ სამშობლოს ჩვენსა არ მოვბო-
ბის ქეშმარიტ საბუთე ზე დაყარებული და დასაზამიდან, ვი-
დრე მგვინარე ჟამამდე მსრულელებული, ისტორია. საქმისა
ასეთ მღგომარეობის ერთ-ერთ მიზეზათ უნდა ჩაითვალოს
შეუკრებლობა ისტორიულ მასალებისა, რომელნიც გაფან-
ტულ არიან ჩვენი სამშობლოს სხვა და სხვა კუთხის დაწე-
სებულებებში და რომელთა შეკრება და გამოქვეყნება ფრი-
ად დიდ სარგებლობას მოუტანდა საქმესა. ყურადღილეთ რა
ეს, შევედგებით შეკრებას ისტორიულ მასალებისს იმ იმე-
დით, რომ მალე მოგვევლინება ქეშმარიტი ქართველი მეც-
ნიერი, რომელიც ისარგებლებს მცირედი ამა შრომით ოდეს
მოჰკიდებს ხელს შედგენას ისტორიისასა. ბოდისა მოვით
ხოვთ, რომ სხვა და სხვა არქივებში ჩვენ მიერ შეკრებილი
მასალები ვერ იქნებიან სისტემატიურათ დალაგებულნი, საქ-
მესა ამას იქმს თვით მისტორიე. აქვე აღვნიშნავთ, რომ მა-
სალები ესე გამოდგეის სხვა და სხვა დარგის ისტორიისა-
თვის, როგორც, მაგალითად, კულტურის ისტორიისათვის,
პრესის ისტორიისათვის და სხ.

ლინერტაცია ქეშმარიტ ქართველებისა თფილ-
თფილ ადგილების მისაღებათა.

(მასალა ზირველი).

ძმანო და დანო, დედანო და მამანო წაპეტულ სამშობ-
ლოსისანო უკიდურეს გაჭირვებასა განიცდის ქვეყანა ჩვენი.
უწინდეს მოავლობას შეადგენს ყველა ქეშმარიტ ქართველ-
თა, ვინცა კი მკერდში უცემს ნამდვილი ქართული გული
და არა გული მოვალაბეთა, ჩაუვირდეს გასაჭირსა ამას,
გამონახოს მიზეზი მისი და აგრეთვე წაპალი იმის თავიდან
აშორებისა. მარა თუ არ გაითვალისწინეთ ძველი, ისე ვე-
რას იტყვიან ახალზე. ეს ანაწური ქეშმარიტებაა მეცნიერე-
ბისა და მე, როგორც ქეშმარიტი ქართველი მეცნიერი, პატ-
რონი ქართული გულისა, დავიწყებ ჩემ მეცნიერულ გამოკ-
ვლევასა ძველი ჟამიდან, მარა არც ისე ძველიდან. მე მეად-
ვილების დაწყება იმა ჟამიდან, როცა ჩვენ კურთხეულ ქვე-
ყანაში ფეხი მოიდგა ვერდ წოდებულმა „განმათავისუფლე-
ბელ მოძრაობამ“, თუმცა მოძრაობა ესე, გეფიცებით ქეშმა-
რიტ ქართულ სინდისსა ჩემსა, განმათავისუფლებელი კი არა,
იყო დამღუპველი ჩვენი, ე. ი. დამღუპველი ქეშმარიტ ქარ-
თულ სულისა და მასთან გულისა.

ამას მე ვხლავ დავამტკიცებ, ხოლო მანამდე ნება მო-
მეცით მოკლეთ შევეხო ჩვენი სამშობლოს წამბილწველსა მოძ-
რაობასა.

როგორც იცით თქვენ, ქეშმარიტო ქართველნო, ძმა-
ნო და დანო, მამანო და დედანო, რომლებმაც თვით თქვენ
ქეშმარიტ ქართულ ზურგზე გამოაცადეთ მოძრაობისა იმის
სიმწვავენი, მოძრაობა ესე დაიწყო საგრძნობათა ზურგთა
თქვენისა, ე. ი. ჯიბისა თქვენისა, ჟამსა ქრისტეს დაბადები-
დან 1902-ს. აღენუსხით სურათნი ბილწნი ამა დრო ისანი.

კიდით-კიდემდე ჩვენი სამშობლო სა, დაწყებული და-
სავლეთით მამულებიდან გურიელებისა, იმ გურიელებისა,
რომელნიც სახელოვან ძველ დროში სახელოვანათ ფლობ-
დენ და მთავრობდენ გურიასა სასიხარულოთ ქეშმარიტ ქარ-
თველთა გულთა, აი ამ გურიელების მამულებიდან ვიდრე
მამულებამდე ჩვენი სამშობლოს აღმოსავლეთ ნაწილის არა
ნაყოფი სახელოვან გვართა ქვეყანაებთა, ერისთავთა, მჩა-
ბელთა, ბართავთა, დია ამ ძეთა და სხვათა დიდ გვამთა მა-
მულებამდე წამოვიგარანა ცეცხლი მოძრაობისა შეჩვენებულ-
სა. წამოყვეს თავი გლეხებმა მურტილიანებმა და წაქეზებუ-
ლებმა ერთ შეჩვენებულ მოძღვრების მიმდევართაგან, იმ მოძ-
ღვრებისა, რომლისა ადებტებს არა უყვართ წარსული ჩვენ-
ნი, არცა ენა ჩვენნი, არცა მამულ-დედულნი ჩვენნი და ახვა
და სხვა ჩვენნი, ჰოო, წაქეზებულებმა ასეთ პირთაგან მოით-
ხოვეს სისულელენი. რომ ნათელ გყავთ სიგიჟე, რომ მეტი
არ ვთქვით, ამ მოძრაობისა, აღენუსხით თუ რა მოითხოვეს.

მოითხოვეს როგორც დროებითი საშვალება:

- ა) შემცირება დალისა,
ბ) მოსპობა დრამა ფულია.

გ) და სხვანი, მსგავსნი ასეთ უმსგავსოებათა. ეს უნდა
დაწესებულყო დროებით, რა თქმა უნდა მათი აზრით და
არა ჩვენი აზრით. მერე კი სხვა რამე უნდა დაწესებულყო.
აი რა მოითხოვეს ამ სხვა რამეთ.

დამფუძნებელი კრება საყოველთაო, თანასწორი, პირ-
დაპირი და რაღაც კიდევ მეოთხეთა არჩეული, რომელსაც
უნდა დაედგინა და უზრუნველყო (ვიმეორებ—მათი აზრით -
თავისუფლება სიტყვისა, კრებისა, ხელუხლებლობა პიროვნე-
ბისა ხელუხლებლობა პიროვნებისა, ბატონებო, იმას ნიშ-
ნავს, რომ მემამულეებს არ უნდა ეცემა უჩ გლეხებისათვის)
და რაღაც კიდევ ჯანდაბ-სა. ყველაზე უფრო აღსაშფოთებე-
ლი, ყველაზე უფრო ასაღლებელი იყო თავი და თავი მო-
თხოვნა მათი. თქვენ იცით, ბატონებო, თუ რა იყო ეს. ეს
იყო მიწების ჩამორთმევა მემამულეთაგან და გადაცემა გლე-
ხებზე... დიახ!... ეს. ეს უაზრობა, ეს... სიგიჟე... ეს... მე
სიტყვა ვერ მომიხატავს, სიტყვა ღირსეული, ამ სიგიჟის გა-
მომტემელი... ჩამორთმევა, დიახ... ჩამორთმევა!..

თქვენ კარგათ იცით, ბატონებო, ე. ი. მამანო და დე-
დანო, ძმანო და დანო, თუ როგორ გვეუფლა სიციარილე
კუჭისა ასეთ უტიფარ მოთხოვნათა წამოყენების დროს. ჰოი,
სირცხილო! უნდათ ბამოვტყდეთ, უნდა გულუხდილოთ
თქვით, რადგან მიუკერძოება არ იცის მიუღვამოვლმა ბამოკ-
ვლევამ, უნდა აღვიართ, რომ იმ დროს ბევრი ჩვენგანი
დამფრთხალ-შეშინებული ვითამ კიდევ თანაუგრძნობდა მო-
ძრაობასა. ბევრი კიდევ ამკოლ გაზეთებში ამ ჩვენ თავზე
მოვლენილ უბედურებასა. მარა ეს გვიყო შიშმა. თქვენ
იცით, ბატონებო, ქართული სიბრძნე: შიში აჩვენებ და გაქ-
ცევას გიჩვენებო. დიახ, ჩვენ გავეკეციტ ჩვენ გულის ნადებს
და გლეხებს ჩავუარდით კალთებში. ვამბობ, რომ ეს იყო
შიშით გამოწვეული უნებლიეთ საქციელი, ისე კი თქვენც
იცით, რომ გული ჩვენი სასახლოთ ჩვენდა ისევე ის იყო,
რაც იყო.. არ შეგვიძლია აქ არ მოვიხსენიოთ ერთი გმირი.
სახელი მისი წითელი ასოებით, არა, წითელით არა, შავი
ასოებით.. არც შავით ვარგა... დიდი შავი ასოებით აღი-
ბეჭდება მამაც ქართველთა ისტორიაში. თქვენც იცით, ბა-
ტონებო, ეს სახელი. მე ვამბობ ზუბიკოზე. ის არ დაფ-
რთხა, გამდაწყო რაზმი და თუ ვერაფერი გააწყო. ამის მი-
ზეზი ის იყო, რომ ღირსეული დანძარება ვერ გავუწიეთ,
რის მიზეზი თავის მხრივ იყო შიში. შიში და შიში. შორს
შიში!.. ახლა მაინც ჩავდგეთ კალაპოტში. ახლა ხომ დრო
ჩვენია და არა მათი.

ჰო, იმას ვამბობდი, მოითხოვეს მეთქი, გლეხებმა მეთ-
ქი. ახლა, ვიცი თქვენი გულის ამბავი, რომ იმასაც იცით-
ხათ, თუ რა მოითხოვეს მუშებმა. დამფუძნებელი, საყოველ-
თაო და სხვა ხომ იმათაც მოითხოვეს და მოითხოვეს...

კიდევ მოითხოვეს:

სამუშაო დროს შემცირება და სამუშაო ქირის მომა-
ტება! ბატონებო, ეს მოთხოვნა ორიოდ სიტყვით, სულ
რადღაც ექვს სიტყვით ითქმება, მარა იისი განხორციელება
დიდი, მეტად დიდი უბედურებაა ჩვენი სამშობლოსათვის.
ეს ნიშნავს ჩვენი სამშობლო მრეწველობის დაცემას... ეს
ნიშნავს ქართველი მრეწველის ჯიბის გაიძაქნას.. ეს ნიშ-
ნავს საერთო ნიადაგის, სამშობლოს ინტერესების უარისყო-
ფას, სამუშაო დროს შემცირება და სამუშაო ქირის მომატე-
ბას რომ მავნებელია სამშობლო მრეწველობისათვის, ეს დღეს
მეცნიერულად დამტკიცებულია (ინილეთ ჯორჯჯაძის ფლე-
ტონები „ცნობის ფურცელ“-ში, სადაც ეს საკითხი ყოველ
მხრივად გარჩეული და დასაბუთებული), მარა რომ უფრო
ნათელგყავთ ჩვენი აზრი, რომ უფრო გასაგებათ გავხადოთ
ის, საჭიროთ მიმანია ავხსნათ ეს ციფრებით და მაგალითე-
ბით:

ვთქვით, ბატონებო, რომ რომელიმე ქართველ მრეწ-
ველს, თუკინდ სარაჯევს, გინდ კახეთის მევენახეთა ამხანა-
გობას ყავს დაქირავებული თავის ქართულ მრეწველობაში
200 მუშა. სამუშაო დღე განისაზღვრება 12 საათით, მხო-

ლოთ 12-ით, დანარჩენი 12 საათი მუშების სრულ განკარგულებაშია. სამუშაო ქირა დღეში 80 კაპეიკია. დააკვირდით, ბატონებო, შემდეგ სტიქიონებს. და ნათლათ წარმოგიდგებათ, თუ სადაა ძაღლის თავი დამარხული.

მაშ ასე. 200 მუშა, დღეში თითო 80 კაპ. იღებს. სულ დღეში აიღებენ რამდენს? ამის გამოანგარიშება ადვილია. ამისათვის საჭიროა 200 გავამრავლოთ 80 ჯერ. $200 \times 80 = 16000$ კაპ., ე. ი. 160 მანეთი. ახლა ჩვენ გავიგეთ, რომ 200 მუშა იღებდა დღეში 160 მანეთს. გავიგოთ რამდენ საათს მუშაობდა დღეში ყველა. ამისათვის 12 უნდა გავამრავლოთ მუშათა რიცხვზე, ე. ი. $200 \times 12 = 2400$ საათი. მაშ ახლა ჩვენ გამოვაკვლიეთ მიუღღამელი ციფრებით, რომ მუშები მუშაობდნენ 2400 საათს დღეში.

ახლა ვთქვათ, რომ მუშების მოთხოვნილება განხორციელდა, ე. ი. მათ მოემატათ სამუშაო ქირა და შეუმცირადათ სამუშაო დღე. ვთქვათ მოემატა თითოს დღეში 20 კაპ. და შემცირდა სამუშაო დღე 2 საათით, ე. ი. გახდა 10 საათი.

ვნახოთ, რა გამოვა აქედან. ავლაპარაკოთ ციფრები. მაშინ მუშები მიიღებენ დღეში $200 \times 10 = 2000$ მ. რამდენს საათს იმუშავენ ყველა დღეში? $200 \times 10 = 2000$ საათ.

რა დამტკიცა ამ ციფრებმა, ბატონებო? დამტკიცა ის, რომ წინეთ ყველა მუშა მუშაობდა დღეში 2400 საათს და იღებდა ქირას 160 მანეთს. თუ მათი უაზრო მოთხოვნილება განხორციელდა, მაშინ დღეში იმუშავენ 2000 საათს და აიღებენ ქირათ 200 მანეთს! ე. ი. წინანდელთან შედარებით იმუშავენ 400 საათით ხაკლებ დროს განმავლობაში და მიიღებენ მეტს 40 მანეთს დღეში. ეს ერთ დღეში, ბატონებო! ერთ წელიწადს კი... ვნახოთ რა ციფრი მოგვეცეს ერთი წლის ანგარიშში. დღეში იღებენ 40 მანეთს მეტს, წელიწადში მიიღებენ 40 მ. $\times 365$ (ხანდახან წელიწადში 366 დღეა, მარა ერთი დღე დაე მუშებს ქონდეთ) $= 14.600$ მ.

ნაკლებს კი იმუშავენ $400 \times 365 = 146000$ საათი. ბატონებო! რას ამბობენ ეს ციფრები? ქართველი მრეწველის დაღუპვას.

კაცო! ღმერთი არაა!.. კაცი კარგავს 146000 სამუშაო საათს და კიდევ უნდა გადაიხადოს მეტი 14600 მანეთი. ვააა!.. ეს სიგიჟეა მაშ რაა!..

ამ ციფრებიდან, ბატონებო, კიდევ უფრო მეტი საყურადღებო დასკვნები შეგვეძლო გამოგვეყვანა, მარა ამას უჩემოლად თქვენც კარგათ გამოიყვანთ.

მე აღვნიშნე მოკლეთ და სხარტათ, მიუღღამოლათ, როგორც ეს შეფერის მეცნიერს და მეერ კიდევ ტეშმარტ ქართელ მეცნიერს, აღვნიშნე ფაქტები. ფაქტები სახიზლარი.

ახლა გადავიდეთ უმთავრეს კითხვაზე. ეს კითხვაა, ბატონებო:

ვისი ბრალია ყოველივე ეს? გამოვარკვიოთ, ბატონებო, ეს. მაშ დავიწყოთ. თქვენ კარგათ იცით ძმანო და დანო, მამანო და დედანო, რომ კარგა ხანია მას შემდეგ, რაც ჩვენ ქვეყანაში გაჩნდა ერთი უკუღმართი მიმართულება, რომელმაც უარყო ჩვენი წარსული, ჩვენი ენა, შეზიზღა ჩვენ ხალხს საუკეთესო მოღვაწენი, ჩაუნერგა ხალხს გულში ტეშმარტ ქართველები-სადმი სიძულვილი, გამოიყვანა ხალხი ქუჩაში, დაგვტაკა ეს ხალხი და მით დიდი ზიანი მოგვაყენა, როგორც მორალური, ისე მატერიალური, ე. ი. ჯიბური. მე, ბატონებო, ზოგიერთებს ნათლათ ცარიელი სიტყვების რახუნნი არ მიყვარს. მე რასაც ვიტყვი, იმას მაგალითობთაც დავამტკიცებ. თქვენ არ შეგაწუხებთ და მოვიყვან მაგალით დ თქვენს უმორჩილეს მონას, ე. ი. ჩემს თავს. დიდი ზიანი მომაყენეს მეც. დავლარიბდი. ერთი ქანქარი რაა, ერთი ქანქარიც კი არ მაქვს ჯიბეში. მე, საქართველოს უტეშმარტეს შვილს; მე, მეტერს იმ „ერთი მოძღვრების“ მიმდევრებისას, ჩემი სამშობლო ვერ მინახავს!.. მე, რომელმაც.....

აქ შეუწყვეტია ავტორს მისი საყურადღებო გამოკვლევა. ამის ქვემოთ რეზოლიუციაა. მოვკვანთ ამ რეზოლიუციას სავსებით, სიტყვა-სიტყვით, რადგან ის უთუოდ დასჭირდება მქისლორის.


რეზოლიუცია.

„ვცანით რა დისერტაცია ესე ფრიად ნიჭიერად დაწერილათ და ვცანით რა უწინიჭიერეს ავტორის დიდი ერუდიცია და უკიდესი ნიჭი, და მივიღეთ რა აგრეთვე მხედველობაში, რომ ავტორი, როგორც თითონ ამბობს, უქანქაროთაა და საჭიროა მისი დახმარება, რათა მას შეეძლოს ბრძოლის გაგრძელება, რაც შეუძლებელია ცარიელი კუჭით, — დავადგინეთ: „იმ ერთი მიმართულების“ ხალხის მტრობაში მიეცეს ავტორს დოქტორის ხარისხი და ამასთანავე მიეცეს მას на прокормление ადგილი ერთ-ერთ სათავადაზნაურო ბანკში, ჯერ-ჯერობით დაენიშნოს 80 ქანქარი თვეში და შემდეგ მიემატოს ჯამაგირი იმისდა მიხედვით, თუ რა უოხალად იბრძოლებს იმ „ერთი მიმართულებს“ წინააღმდეგ“.

ხელს აწერენ, მარა ისე, რომ ვერაინ გაარჩევს მასალა ესე ვიპოვე სათავადაზნაურო ბანკის არქივში კენტი.

ს ა ბ რ ვ ო ს.

დღეს ვალამებ, ბნელს ვათენებ
შენზე ფიქრით და ოცნებით,
სიყვარულის სამეფოში
მიმოვცურავ მსუბუქ ფრთებით.
კიდევ ვხარობ, კიდევ ცრემლს ვღვრი,
ხან ვიცინი და ხან ვსტირი,
მარა არა როგორც მონა
ცხოვრებისგან განაწირო!
წმიდა ცრემლით წყლულუნებს ვიბან,
ლურჯ წალკოტში ვთეს სიხარულს,
ვიცი და მრწამს მოვესწრები
გადაფუჩქენილს იქ სიყვარულს.
ცრემლით მორწყულ ბნელ არემი
დამკაშკაშებ, როგორც მთვარე,
გზას მინათებ, შენკენ მიწვევ,
მოციმციმე, მოეღვარე...
და მეც შენკენ მოვისწრაფი,
ვერ მაშინებს კლდე, ეკალი,
უძლევი ვარ მე მას შემდეგ,
რაც ვიგრძენი ტრფობის ალი.
ხან შორს მყავხარ, ხან კი ახლოს,
ხან მილიმი ხან მიწყრები...
კმარა, სატრფოვ, შემიბრალებ!
თორემ ვფიცავ დაემონდები!..
თუმც სიკვდილი შენთვის, ტურფავ,
ჩემთვის ნიშნავს ნეტარებას,
მარა ერთხელ მაინც მინდა
ყურს ვუგდებდე შენს ციურ ხმას...
შენს კალთაში შენთვის მებრძოლს
მინდა შვება, მინდა ღებენა. .
შენთან ერთად, სულის სწორო,
ნეტარება, აღმაფრენა.
და მრწამს კიდევ დრო მომასწრებს
შენთვის მებრძოლს, განაწვალებს,
რომ ვკოცნიდე ადგზნებული
შენს ჟუჟუნა ნარ ნარ თვალებს.
დღეს ვალამებ, ბნელს ვათენებ
შენზე ფიქრით წლიდან-წლამდე
და მსურს კიდევ მე ღვათებავ;
საპარემიც ასე მწვავდე...
ვ. მალაქიაშვილი.



სცენა ფირალოვის ქარხანაში გაფიცვის დროს.

პატარა ვეფხვის ტყაოსანი.

(გაგრძელება)

ჭხამს მათრახი დანიერი, ვითა ღვეთქი განატრუდი, სიცხე მისცეს უსაზომო და ფეთება—შესაფუდი, თუ ვის მოხვდეს, რბილ ნაწილზე ქონდეს ტყავი ანაქუდი, მძულს კუდინის მიწოდება, სჯობს მათრახის ტყავი-ტყუდი.

რაცა ვისცა ბეღმა მისცეს, საჭაროთ თქვას ჯ მხილობდეს, გუნია და ხეობელი — ეს მდილეები კვლავ მდილობდეს, ვინმე მოემე „ნიშადურში“ რომავდეს და ვინწილობდეს, და ჰართენინ „იმ საქმეზე“ არცა ოდეს გუღკრილობდეს.

ღუშთა და ნეხვთა ვინათგან სიმურაღე აედინების, ეტრე „ნიშადურს“ არ რცხვენის, არც ლანძღვის არცა გინების. ბრიუვი აღვირსა წახსნის, კუნტრუშობს მოელხინების უგუნურისა ზნისაგან ვარესიდ მოითმინების.

ნახეს უცხო მოემე ვინმე ბანკთან იდგა გარედ ძირსა, შავი ხელით წერილს სწორდა „ნიშადურში“ გარს ხშირსა, თფილ ადგილის მოლოდინში უსველებდა ნერწყვი ზირსა, კუჭსა გრძობა დაეჩუგება, უგუნურებს ასე სჭირსა.

მას კაცსა არა ესმოდა თვინიერ რამე ავისა, ღუშმა ჰერისთავის გაცემა მოუერისა, ნათესავისა, ხელში ნაჭერი ვაღამი, ჭქინდა რაზმული შავისა, თფილი ადგილი უბოძეს, ბანკში, სარჩენი თავისა.

ბლიკვაძე.

ახალი სამოსწავლო პროგრამა.

ამას წინად ქუთაისის სსსახხო განათლების დირექტორს მიუმართავს ზოგიერთა სოფლის მასწავლებელთათვის წინადადებით, რომ მათ მონაწილეობა მიეღოთ პირველ დაწესებითი სკოლებისათვის ახალი სამოსწავლო პროგრამის შედგენაში. ამასე თითქმის ეველა მასწავლებლებს ვარი განუცხადებია და ამ ნაირად ამ შემთხვევაშიაც არა ერთხელ ნაცადი ბიუროკრტიული ქამანდი გატრუებული იქნა. როგორც სარწმუნო წყაროებიდან გავიგე; მთელი გუბერნიიდან მხოლოდ ცნობილ „შედაგოცს“ და „საზოგადო მოღვაწეს“ სპ. ენუქიძეს ვეღარ გაუწიდელებია ბ. დირექტორი (სჩანს დიდი ხოთრი ჭქონია მისი) და მიუღია წინადადება. ამ ვამად ბ. ენუქიძე ქუთაისში ბრძანდება, სადაც დირექტორის კანცელარიაში მხედ და ენუკიძეს განაკრძობს აღნიშნულ საკანზე თავის მტვრევის ბ. ენუქიძეს ხომ სხვაც ბევრი დგაწლი მიუძღვის საზოგადოების წინაშე, მავრამ, ზემის ზხრით ეს მისი უკანასკნელი დვარძლი იმდენათ მნიშვნელოვანი და სარგებლიანი იქნება, რომ შე დარწმუნებული ვარ საზოგადოება, უფრო კი მოზარდი თაობა (подрастающее поколение) დაუვიწყარს გახდის ამ ქვეყნად მის სსოვხას და დირსეულ პატივის ცემასაც ჩაყოფებს მას საფლავში.

ონისიძე.



წერილები ეშმაკისადმი.

სად. ბალაჯარა. „სპერმაკუდინის“ წვეთების მიღების შემდეგ ჩვენი სადგურის მესამე კლასის ბუფეთის ხაზინებმა ინდაურივით ჩამოუშვეს ცხვირები. სადღაა ძველებური ხაზინური მოქცევა. სამაგიეროთ ახალი არტელის მუშებმა აიშვეს თავი, პარველი იერიში ძველ შეგნებულ მუშებზე მიიტანეს და ერეკებთან. სწორეთ მაგათთვის არის საჭირო „კუდინიც“ და მათრახის კუდიც. დერბენტის და პეტროვისკის ბუფეთის პატრონებიც გთხოვენ, რომ არც ისინი დაივიწყოთ.

ტრ. მიგრელისკუა.

ხაშმიდან. ეშმაკო! შენმა მათრახმა მართლაც რომ გასკრა ძალიან, თუმცა ღვდლის საქანქრო საქმეზე დღეს წერა არა მცალიან.

მსურს გამცნო მხოლოდ იმათი სასულიერო კავშირი და შენს „იადონს“ (თუ იცნეს) რა დღე მოელის, რა ქირი.

ხუცისტებ-იმედისტები შეერთდენ, შეჭკრეს პირია, რომ იადონი მონახონ ზეარაკათ შესაწირია.

მღვდელი იძახის: „შვილებო, არ არის მოსათმენიო, ჩემი გალანძღვა, გახსოვდეთ გალანძღვა არის თქვენო,

ქუაძე არის ავტორი, მე ვგრე შემიტყვიო, და ამგვარ მუხანათისთვის ნუ გვენანება ტყვიო.

გაზეთში წერა რათ უნდა თუ ჩემზე ერჩის გულიო, მოდგეს, პირის-პირ დამიწყოს მუშტ-კრივი ავლაბრულიო.“

დაუწყეს ძებნა ქუაძეს, ია რომ ჰქვია სახელი; „იადონი“ კი იქ რღვა ბარბაროსობის მნახველი.

აღჭურვილ მოკავშირეებს თავისი თვალით ხედავდა, მათრახის კუდის თავახსაც ხელ ახლა გაუბედავდა.

იადონი.

ს. ბაღდათი. ძმაო ეშმაკო! ჯერ იმის მაგალითი არ ყოფილა ჩვენ კურთხეულ საქართველოში, რომ თქვენ მათრახს და კუდინს რაიმე გავლენა არ მოეხდინოს თქვენს პაციენტებზე, პირველი მაგალითია ბაღდათის მეეტლეოთა ამხანაგობა. ისე სიამოვნებით გადაკრეს თქვენი სპერმაკუდინი, თითქო ჩაის მიირთმევენო, ყურებიც არ გაუპანტურებიათ. პირველ მისს ამხანაგობამ ქუთაისში გა-

მართა კრება, ამ კრებაზე ერთხმით დაადგინეს წამლობის შემდეგ უფრო მეტათ გაყვილიონ ღარიბი ხალხი. თითო ფუთ ბარგზე დააწესეს თითო აბაზი გადასატანი ქირა. მგზავრების თავისუფლათ გადაყვანის შესახებ საკითხი კრებამ მოხსნა. ამასთანავე კრებამ მეეტლე იაკოფს, რომელიც 20 წელიწადია მუშაობს, ამდენი ხნის სამსახურისთვის, ღამ-ღამობით ბაღდათში ყოფნა გადაუწყვიტა, რომ ოჯახში არ გაათიოს ღამე. წინაა იაკოფი დილით მოდიოდა ბაღდათში და საღამოთი ბრუნდებოდა, ეხლა კი საღამოზე გზავნიან, რომ ღამე დაბრუნება არ შეეძლოს. ასეთი სასტიკი სასჯელის მიზეზი გაუგებარია. ალბათ იაკოფი ისე კარგათ ვერ ყვლიფდა ხალხს, როგორც ორი მისი ამხანაგი და იმიტომ დასაჯეს. მათრახის ღირსია კოსტა და ტრიფონი (სანდროსაც არა უშავს-რა), რადგან საერთო დადგენილება სისრულეში არ მოყავთ, ამას წინათ მათმა დაყენებულმა მეეტლე ასლანმა ისე დააყირავა დილიქანსი საღორის კლდეზე, რომ ხალხს გული გაუსქდა. სიკვდალს გადაჩვენ, მარა ბეკრი მათგანი ლოგინათ ჩავარდა. ასლანს უთუოთ ერთი ბოთლი სპერმაკუდინი დასკირდება ვინძლო ჩქარა მოგვაწოდოთ

გ. ჩი—ძე.

გუბი. ძმაო ეშმაკო, მათხოვე ეგ შენი გუდა სტვირია, ზოგიერთ გუბელ ყმაწვილებს რომ აუწითლო ცხვირია.

პირველი არის მიხეილ ელიზბარჩი ქვირია, მეორე მიშა ჰახუმიჩი გვარი მას აღარ სჭირია.

პირველის ბიოგრაფია მოკლეთ ასეა ეშმაკო! მისგვარი კარტის დამრიგე მგონი თფილისშიც ვერ ნახო.

სოფელ გუბს ფული მოხიკა სამხანაგო საქმისთვის ქალაქ ფოთს როცა ჩავიდა, კარტი გაშალა დუქნის წინ.

„ვერტუშკა“, „ბაქარ“-„ტრილისტას“ ეყო ეს ფული ერთ დღესა შემდეგ ნაბაღიც მოხადეს მიხოს რომ არა დასცხესა

ხალხში ნაკრფი ფულები ბევრჯელ შექამა მიხამა, მამა მისი კი მოგვიტხრობს: „ბავშვიო და იხამა“.

ჩვენი მეორე საგანი მიშკო ჰახუმიჩია, ორი კაკარდის პატრონი „უჩიტლობს“ ჯიხაიშშია.

თუ დაპატოე ოჯახში, და მითვისე ძმურათა, ის მანდილოსნებს მონახავს დატრიალდება კუროთა.

თუ ხმა გაეცი: „რას შერები?
ან ვგ რა საკადრისია?
შუბლზე გიჩვენებს კაკარდას
და გეტყვის: „იცი ვისია?“

სადაც ღღე ვერას გახდება
ღამე მიდგება კარზედა...
(მაგრამ იცოცხლე შენ და მეც
იგი მიბეგვეს ძალზედა!!)

გუხოვთ ახლა მსჯავრი დაუღო
ამათ სამხედრო სუღითა
და აუქრელო გვერდები
შენი მათრახის კუღითა.

„ლუბა“.

ს. სეფიეთი. (სენაკის მახრა)—ეშმაკო! რომ
იცოდე ჩვენი სოფლის ღღევანდელი მდგომარეობა
ვერ მოიკმენ, რომ არ ჩამოხვიდე. არა მგონია რუ-
სეთში საღმე ისეთი წეს-რიგი იყოს, როგორც სე-
ფიეთშია. ყველა ეს კი არის ჩვენი მამასახლისის
წყალობით. ასეთ ადმინისტრატორს მთელ ღუნია-
ზე ვერ ნახავთ. ამას წინეთ აქ რკინის გზის ერთი
მოსამსახურე ჩამოვიდა. შესდგა თუ არა ფეხი სო-
ფელში, ხელათ ეცენ შეიმაქნეს-შემომიმაქნეს და
უნდოდათ ვირის აბანოში წაეყვანათ, მარა რაკი
არაფერი აღმოაჩნდა გაუშვეს. ასე იცავენ წეს-რიგს
ჩვენი ადმინისტრატორები.

ბიცხვერ.

ხაშური.—პურიშვევიჩი მონაგონი არაა ჩვენ
მანდილოსნებთან. ძნელი სათქმელია რომელი მა-
თგანი აჯობებს ლანძღვა-გინების საკონკურსო
გამოცდაზე. საკვირველია საღ შეისწავლეს ასე ჩვენ-
მა მანდილოსნებმა ლანძღვა-გინების ლექსიკონი,
როცა ხაშურს არ გამოარებინან და ავლაბარი თვა-
ლითაც არ უნახავთ. ამ მხრით ყველაზე მეტათ გან-
ვითარებული და პრაქტიკულათაც დახელოვებუ-
ლია ერთი მღვდლის შვილის-შვილი. ლანძღვა-გი-
გებასთან ერთათ ის თავის ქმრის „დურმიშხანია“
თა ქმარსაც მისი სიტყვები სჯერა. ყველა იმ სიტყ-
ვითან ამ ქალბატონს საშინლათ ეჯავგრებიან გო-
გო ბიჭები, სამაგიეროთ ძალიან უყვარს კარტის
თამაში, მაგრამ ფულზე კი არა, ლობიოზე. მათ-
რახის კუღი რომ მოუხდება ექვე არ არის.

ჩერე.

მღეთი. მღეთიდან გიძღვნით მოკიახვას
ჩვენის ცოდვილის პირითა,
ჩვენკენაც გამოიარე
ნუ გეტანჯავ მოლოდინითა.

ზოგიერთების ქცევისგან
მწარე ცრემლებით ვსტირითა
იწამე ღმერთი დავგისხენ
ესოდენ გასაქირითა.

სოფელ მღეთსა გზისა ყურათ
სადგურია ამართული,
მუნ ზის არტემ პეტრუსოვი
(ბედის ვარსკლავ გაჩარხული)

დავიწყებას მისცა უკვე
ათას ცხრაას ხუთი წელი,
რეაქციის დახმარებით
ურცხვად შეყო ყვღღან ხელი.

„ნაჩლინიკის“ ადგილს იქერს,
მეთვალყურეც თვითონ არი,
ბუფეტს თავზე დასტრიალებს
გულით უწვიმს ზღვა ქანქარი.

ახლა კიდეც „პოდრაჩიკობს“
აქეთ-იქით იწყო ფრენა,
და ისედაც შავ ღლიანებს
ვარესი ღღე დააყენა.

მგზავრს ულანძღველს არ გაუშვებს,
მუშები ხომ ჩამწარა,
ან უბედურს მეეტლებს
რა ხერი დააყარა?

ამიტომ გთხოვთ ეშმაკო-ჯან
გადმოფრინდე ერთი მთაში
და მათრახი გაიქნო
ჩვენს არაგვის ხეობაში...

ლ. მოხვეე.

სამტრედიის რაიონი. ამ ახლო ხანში ჩვენ
რაიონში უნდა მოხდეს სამი დიდებული, სრულიად
რუსეთის სიეზი: „არლანჩიკთა“, „მიკიტანთა“, „ჯი-
ბგირთა“ და რკინის გზის „ვეჩერთა“ მოტრფილე-
თა. „არლანჩიკთა“ დღიური წეს-რიგი მხოლოდ ერ-
თი კითხვისაგან შესდგება: არ დაუკრან არლანი 1
იენისიდან 1 აგვისტომდე, ხოლო ეს გადაწყვეტი-
ლება ეცნობება გორის, თფლისის ქუთაისის და
სხვა ქალაქების არლანჩიკებს. მიკიტანებს ბარე სამი
დიდი კითხვა აქვთ გადასაწყვეტი: 1) როგორ მო-
ახერხონ სამკითხველოს დახურვა 2) როგორ აღად-
გინონ ნოქრებისთვის ძველი პირობები და 3) რა სა-
შუალებით ებრძოლონ შანტაჟისტებს. სიეზზე მი-
წვეული არიან თფილისიდან ვაქარი ალექსი „ალი-
ხანოვი“, ქუთაისიდან და ბათუმიდან სხვა და სხვა
მცოდნე პირები. ეს სიეზი მეტათ საინტერესო იქ-
ნება. ჯიბგირებს სურთ თავიანთ სიეზზე აღძრან
შუამდგომლობა რკინის გზის სამგზავრო ბილეუებს
დაუკლონ ფასები, რომ მეტი ხალხი მიაწყდეს კა-
სას და მეტი ხერი ნახონ. ახრათ აქვთ პროტე-
სტი გამოაცხადონ, რომ 1 მაისი ვერ იყო „ლო-
ხოდანი“. „ვეჩერისტების“ სიეზზე უნდა გადა-
წყდეს საკითხი, როგორ მოეწყოს მომავალში ვეჩე-
რების საქმე. საქმის მოსაწყობად იწვევენ თფილი-
სიდან ნიკო ბოქორიშვილს, როგორც გამოცდილს
ვეჩერების საქმეში. ერთი სიტყვით ახლო მომავა-
ლში სამტრედიის რაიონში დიდი საინტერესო ამ-
ბები მოხდება, დანარჩენი შემდეგ.

„ჩორთიკ“

ზემო-ქვიტირი. 7 მაისს სოფელ ზემო ქვიტი-
რში ერთი ახირებული ღღესასწაული იციან, რა-
ღაც „კონინჯრობა“ თუ მაზინჯობა. ამ ღღეს
ეკლესიის ახლო აუარებელი ხალხი იყრის თავს. ამ
ღღეს ეკლესიის დეპუტატებმა კინაღამ გვერდები
დაუზილეს ერთ მოვარეს, რომელიც ეკლესიის

გალავანში ლიმონათს და ბალს ყიდდა. მას მოს-
თხოვეს მთელი ნავაჭრი ეკკლესიისთვის შეეწირა.
საქმე ძალიან გამწვავებული იყო, რომ საიდგანდაც
გაჩნდნენ „მასაყისტები“ და გიყვარდე! აჩვენეს ყვე-
ლას ფეთება. უპირველეს ყოვლისა ლაზათიანათ და-
გვიზილეს ჩვენი მამასახლისი, ისე დაზილეს რომ
მგონი ერთ თვეს ფეხზე ვეღარ ადგეს, თუ თქვენი
კუდინი არ მოგვაშველეთ. დანარჩენმა ხალხმა გა-
ქცევით თავს უშველა ამ გვართ „კოხინჯრობა“
„მოქინჩრობით“ გათავდა.

გ. ჩი-ძე

ამტნის ხევიდან.

ძმაო ეშმაკო! ჩვენ პაწა სოფელს
მოდი მოხედე და თვალით ნახე,
თუ ვით გიორგი ნახუცაროვმა
თვალი აგვიბა დაგვიგო მახე.
ჯერ რასაც გეტყვი ყური დაუგდე
და მერე ისე გაამართახე,
რო ქვეყანაში ვერ გამოვიდეს
არვის აჩვენოს სიკცხვილით სახე.

ყური დამიგდე ი ნანატრ დროსა
როცა ქვეყანა მზიარულობდა,
როცა სუყველა ძმობა ერთობას
თავისუფლებას გაიძახოდა
იმ დროს გიორგი ნახუცაროვიც
ახალ თაობის ჰანგზე გალობდა,
ბოროტი გული და შავი კბილი
დამალა ძმაო, ძრეველსაც წყალობდა!

ერთხელ შეკრიბა თავის „პრიხოლი“
გამოლცხადა „დიდი წყალობა“
რომ ის ამ დღიდან ხალხს მხარს დაუქერს
საერთო ძალით დასცენ მტარველობა,
რო კოდის პურზე, წინ გასაძლოლზე,
ალარ ექნება მრეველთან ძალობა,
მარსელიოზის ჰანგზე შესცვალა
„აეხოვნი ღმერთო“ და სხვა გალობა.

ეს ვეწეოდით, ძმაო ეშმაკო,
რო ბედმა ჩვენაც გვარგუნა მღვდელი
ენა შემეტყველი, დაპრიგებელი,
და „ლარიბ დატაკთ შემწყალებელი.“
მისი „წყალობა“ რო გავადიდოთ
გაგრძელდა მხოლოდ სულ ორი წელი
და მესამეზე შენს მტერს ეშმაკჯან
მან მოგვაყენა ჩვენ სატანჯველი.

როს დრო იხელთა სულის, მამამა
და ყველგან შეწყდა „ხალხის ხმაური“
ისიც გამხნვედა აფრინა „სტრაჟა“
ასტეხა ერთი აურ ზაური...
რაც „გვიწყალობა“ უკან წაიღო
არ შეგვარჩინა ერთი შაური.
ჩვენც რას ვუზამდით, გადაუხადეთ,
გავყიდეთ ერბო, ხაქო ფშაური.

ეგრე ძმაოჯან ესე დავგულუბა
ცეცხლზე დაგვისხა ცოვი წყალია
„მოწყალებ“ ღვდელმა სულისა მამამ
დაგეტოვა ყველა ხახა მშრალია.

ეხლა კი მივხვდით რასაც გვიქადა
რაზე შეუცდა ხუცესს თვალია,
მოლი გენაცვა ამ უსამართლოს,
შეაგნებინე თავ-ს ვალია*

ცხო-მთიული.

წერილები რედაქციის მიმართ.

სწორეთ შეტად ახირებული ხალხია ქუთათურები!..
წარმიდგინეთ, რაც ქუთაისს, ან იქაურ მდგაწეების
შესახებ ჩვენს გაზეთებში იწერება, თურმე ეველაფერს
მე მახრალევენ. განსაკუთრებით დიდი გულის წყრმმა
გამოუწვევია საზოგადოების ერთ ნაწილში „ეშმ. მათრ.“
№ 28-ში მოთავსებულ თავ. დავით ნიჟარაძის კარიკატუ-
რასა *) და ბიოგრაფიას, რომლის ავტორბას მე მწე-
რენ და რომელმაც, სამწუხაროთ, უკვე ფრიად დიდი
ენება მომხენა. დავარწმუნებ ჩემს მტრებსაც და მოყვა-
რეთაც, თუმცა წამხდარ საქმეს ეს ახლა ველარაფერს
უშეგლის, რომ „ეშმ. მათრ.“-ში მოთავსებული თავ.
დავით ნიჟარაძის კარიკატურა-ბიოგრაფია და არც სხვა
წერილები მე არ შეკუთუნის.

„სველს ნამის არ ეშინიათ“, ამბავს ანდაზა და
მეც, დარწმუნებული ბძანდებოდეთ, თუ რასმე დაგწერ,
საკუთარ სახელგვარსაც მოვაწერ, ფსევდონიმს არ ამო-
ვეფარები.

იასონ ნიკოლაიშვილი.

*) მწუხარებით უნდა აღენიშნოდ ის მოვლენა, რომ უბ-
რალა შარკის მნიშვნელობა ჯერ კიდევ ვერ გაუგია ჩვენს
საზოგადოებას. საკმარისია რომელიმე მოღვაწის შარკი მოა-
თავსო გაზეთში, რომ მსწრაფლ წარსულისა და სამშობლოს
მოღალატეთ გამოგაცხადონ. რუსულ ჟურნალ-გაზეთებში მუ-
დამ დღეა ცნობილ და პატარეველ მოღვაწეთა შარკები,
მაგრამ ამისათვის ქვეყანა არავის დაუქცევია.

კერძოთ იასონ ნიკოლაიშვილის შესახებ, „ეშმაკის მათ-
რახი“-ს რედაქციას ერთი გადაჭრილი აზრი აქვს. მისი დევ-
ნის გარეშე მიზეზი შეიძლება იყოს „ეშმ. მათრახ“-ში მო-
თავსებული წერილები, რომლებთანაც ნიკოლაიშვილს არა-
ვითარი კავშირი არა აქვს, მაგრამ უმთავრესი ძარღვი მაინც
სულ სხვაგანაა. ჩვენ თუმცა გვესმოდა, რომ ქუთაისიდან ან
ქუთათურებზე მოთავსებულ ამბებს იასონ ნიკოლაიშვილს
აწერდენ და ფარულ ღურმიშხანულ აგიტაციას ეწეოდენ მის
წინააღმდეგ, მაგრამ ამ მოსაზრებით გაზეთი უყურადღებოთ
ხომ ვერ დასტოვებდა მოწოდებულ საქირო ამბებს.

რედაქცია.

ბ. რედაქტორო! ნება მიბოძეთ თქვენი პატარეველთა
ჟურნალის „ეშმაკის მათრახი“-ს საშუალებით სამედიატორო
სამართალში გამოვიწვიო თქვენი კორესპონდენტი ბ-ნი ალა-
გეთური, რომელმაც სრულიად უსაბუთოთ გამლანძდა თქვენ
ჟურნალში. ჩემის მხრით მედიატორებათ ვასახელე აკაკი
პაპავას და რაყდენ აბულაძეს. საქმის გარჩევა 25 მაისს უნდა
მოხდეს სამტრედიაში.

დათიკო კვანტალიანი.



ღებ. ჩელიშევი და სამოთხის ხე.

ღებეშები

(საკუთარი კორესპონდენტებისგან)

სამბრამდია—ანტონის დასაფლავებაზე ექიმმა ჯაშმა უშველებელი სიტყვა წარმოსთქვა. დამსწრე საზოგადოებამ ვაშას ძახილით და ტაშის ცემით დააჯილდოვეს.

იჩიდანგი—ანტონის მოსაგონებლათ ჩვენებური ფერშალ-ექიმები 25 მაისს დიდ ნაღმს მართავენ. საღილი გაიმართება გოთოშის ბაღში და უკრავენ ზურნას, არღნებს და „გარმოშეებს“ ეჭვი არაა რეჩებიც იქნება.

ახალ-სენაპი—ჩვენს სადგურზე ერთი ახლად მოვლენილი „პრაქტიკანტი“ „იმის“ პრაქტიკას ძალიან შობა. ვილაცის დავალებით ეძებს „ონისიმეს“ და უნდა როგორმე აღმოაჩინოს. ამისთვის ის არავითარ საშუალებას არ თაკილობს. ამ ბოლო დროს სხვის წერილებში შეძრომაც კი დაიწყა.

„მუშაკის მათრახის“ ფოსტა

ხაში, მისწრებას. თქვენე ლექსი „ქელებისტები“ არ დაიბეჭდება, იქ ისე გამოდის თითქო „ქახრაკა“ კვერცხების ქურდობისათვის ცოლას დაემტვრია თხრილში და არა იმის, უზომო სიმთვრალეს.

გიმთურა—ახალ მოვლენილს. თქვენი ლექსის შინაარსი სრულიად არ არის ახალი და საყურადღებო მოვლენა. ეს ყოველთვის ვგრევა: სტრაჟინიკები სცემენ ხალხს და ვაჭრები ჩარჩობენ.



პურიშევიჩი და ვეროა.

რაზა—გულშემატკივარს. ონის სამკითხველს საქმე თუ კარგათ მიდის და ლონგინოზ-ვიქტორ-დათიკო კიდევ უკეთ წაიყვანენ, ჩვენ რაღაზე გვაწუხებთ.

თამაშუვის ძარვასლა. რ. ჯ. თუ თქვენი ნოქრების გაიპასქნა მხოლოდ „მოპატიების“ შემოღებაში მდგომარეობს და მიპატიებისთან ერთათ „მოტყუება“ არ დაუწყიათ, „კუდინს“ ტყვილათ ნუ მახარჯენებთ.

ბაშო, გოგიას. თქვენი ლექსი არ დაიბეჭდება: სულ ერთია, ამით ჩვენ ვალებს მაინც არაფერი ეშველებოდა.

ახალგორი, ვერმიცანაშვალს. მარტო თქვენი ბოქაული კი არ არის ეგეთი. ყაჩაღთან შეხვედრა ყველას ეშინია, ხოლო უიარაღო მშვიდობიანთან, საფრთხე ნაკლებია სარგებლობა მეტი.

რედაქტორ-გამომცემელი თ. ბოლქვაძე.

მე-32 ნომრიდან წლის ბოლომდე

„მუშაკის მათრახი“

ღირს 3 მანეთად.

ვინც მთელი წლის ფასს 5 მან. გამოუგზავნის რედაქციას, უფასოდ გაეგზავნება გასული წლის „ემშ. მართ.“ ყველა ნომრები ერთად შეკერილი.

რედაქციის ადრესი: Тифлисъ въ редакцію „Ешмакисъ Матрахи“.

დაიკარგა პასპორტი ნიკო ნადიბაიძისა. მნახველს სთხოვენ წარმოადგინოს „ცხოვრების სარკის“ რედაქციაში, ბარიათინსკის ქუჩა № 3.